

集部

欽定四庫全書等部

主事街臣徐以坤覆勘 詳校官右中九日薩 敏

校對官編修臣王汝嘉 總校官在吉士臣朱 腾碌監生臣社茂村

銔

大きりまたいう 也其見者小也坐 原道 STATE OF STATE OF ではなって は他の THE WAY 而觀天白天小者非天小也 古文雅正 一有古老子之小仁義非毀 然定名道與德為虚位 宙是而之馬之間道足 部侍郎蔡世遠編 韓 愈

之問其言道德仁義者不入於楊則入於墨不入於老 言也周道哀孔子沒火於秦黃老於漢佛於晉魏梁隋 附之出者汙之噫後之人其欲聞仁義道德之說孰從 也老子之所謂道德云者去仁與義言之也一人之私 所道非吾所謂道也其所謂德德其所德非吾所謂德 則入於佛入於彼必出於此入者主之出者奴之入者 也凡吾所謂道德云者合仁與義言之也天下之公言 以煦煦為仁子子為義其小之也則宜其所謂道道其

をいりいいとこうで

賣之家一而資馬之家六奈之何民不窮且盗也古之 後之人雖欲聞仁義道德之說其熟從而求之甚矣人 たころいる Ling 古文雅正 者四令之為民者六古之教者處其一令之教者處其 之好怪也不求其端不訊其末惟怪之欲聞古之為民 吾師亦當云爾不惟舉之於其口而又筆之於其書意 之弟子也為孔子者習開其說樂其誕而自小也亦曰 三農之家一而食栗之家六工之家一而用器之家六 而聽之老者日孔子吾師之弟子也佛者曰孔子吾師

室為之工以瞻其器用為之賈以通其有無為之醫藥 奪也為之城郭甲兵以守之害至而為之備患生而為 其先後為之樂以宣其湮鬱為之政以率其怠勸為之 以齊其天死為之葬埋祭祀以長其恩愛為之禮以次 衣飢然後為之食木處而顛土處而病也然後為之宫 之君為之師驅其蟲蛇鳥獸而處之中土寒然後為之 時人之害多矣有聖者立然後教之以相生養之道為 刑以鋤其强梗相欺也為之符璽斗斛權衡以信之相

久己日后 公司 出栗米麻絲作器四通貨財以事其上者也君不出令 故君者出令者也臣者行君之令而致之民者也民者 矣何也無羽毛鱗介以居寒熱也無爪牙以爭食也是 争嗚呼其亦不思而已矣如古之無聖人人之類滅久 之防令其言曰聖人不死大盗不止剖斗折衡而民不 **誅令其法曰必棄而君臣去而父子禁而相生養之** 以為臣民不出粟米麻絲作器四通貨財以事其上則 則失其所以為君臣不行君之令而致之民則失其所 古文雅正

無事是亦責冬之来者日曷不為葛之之易也責飢之 於三代之前不見正於禹湯文武周公孔子也帝之與 後不見點於禹湯文武周公孔子也其亦不幸而不出 以求其所謂清淨寂滅者嗚呼其亦幸而出於三代之 食者曰曷不為飲之之易也傳曰古之欲明明德於天 食其事殊其所以為智一也令其言曰曷不為太古之 王其號名殊其所以為聖一也夏葛而冬裡渴飲而飢 下者先治其國欲治其國者先齊其家欲齊其家者先

大日 Diet Attio 所謂先王之教者何也博愛之謂仁行而宜之之謂義 用夷禮則夷之進於中國則中國之經曰夷狄之有君 而不丹其君民馬而不事其事孔子之作春秋也諸侯 其心而外天下國家滅其天常子馬而不父其父臣馬 然則古之所謂正心而誠意者將以有為也令也欲治 修其身欲修其身者先正其心欲正其心者先誠其意 法而加之先王之教之上幾何其不胥而為夷也夫 如諸夏之亡詩曰戎狄是膺荆舒是懲令也舉夷狄 占文雅正

道也日斯吾所謂道也非向所謂老與佛之道也夷以 以之為天下國家無所處而不當是故生則得其情死 果蔬魚肉其為道易明而其為教易行也是故以之為 子師友賓主民弟夫婦其服麻絲其居官室其食栗米 書易春秋其法禮樂刑政其民士農工買其位君臣父 由是而之馬之謂道足乎已無待於外之謂德其文詩 則盡其常郊馬而天神假廟馬而人思饗日斯道也何 1則順而祥以之為人則愛而公以之為心則和而平

疾者有養也其亦庶乎其可也 人ろしりませんける 其人火其書廬其居明先王之道以道之鰥寡狐獨廢 其就長然則如之何而可也曰不塞不流不止不行人 大武周公文武周公傳之孔子孔子傳之孟軻軻之死 是傳之舜舜以是傳之禹禹以是傳之湯湯以是傳之 公而上上而為君故其事行由周公而下下而為臣故 不得其傳馬首與揚也擇馬而不精語馬而不詳由周 其文詞則如買長沙治安策而更出之以變化其論 古文雅正 Ā

金りいたる言 見 謂釋氏以明心見性為宗旨對病下砭所引只宜截 到誠意不説及致知為沒頭學問已有代辨之者矣 學術治術則如董江都賢良策而更寫之以明暢三 言氣盛則言之短長與聲之高下皆宜熟讀此篇自 從誠意以下也今讀上下文信然未可輕議〇公自 代以下能有幾篇文字0宋儒議其引大學章只説 師説

之衆人其下聖人也亦遠矣而恥學於師是故聖盆聖 也難矣古之聖人其出人也遠矣猶且從師而問馬今 存師之所存也嗟乎師道之不傳也久矣欲人之無惑 年之先後生于吾乎是故無貴無賤無長無少道之所 其間道也亦先乎吾吾從而師之吾師道也夫庸知其 生乎吾前其聞道也固先乎吾吾從而師之生乎吾後 而知之者孰能無惑惑而不從師其為惑也終不解矣 古之學者必有師師者所以傳道受業解惑也人非生

とくってりますといから

古文雅正

愚益愚聖人之所以為聖愚人之所以為愚其皆出於 士大夫之族日師日弟子云者則羣聚而笑之問之則 其惡者也句讀之不知惑之不解或師馬或不馬小學 童子之師授之書而習其句讀者非吾所謂傳其道解 此乎爱其子擇師而教之於其身也則耻師馬惑矣彼 日彼與彼年相若也道相似也位早則足羞官盛則近 而大遗吾未見其明也巫醫樂師百工之人不耻相師 諛嗚呼師道之不復可知矣巫醫樂師百工之人君子

金月四月八十二

賢於弟子聞道有先後祈業有專攻如是而已李氏子 子三人行則必有我師是故弟子不必不如師師不必 蟠年十七好古丈六藝經傳皆通習之不拘於時學於 子師郯子萇弘師襄老聃郯子之徒其賢不及孔子孔 **余余嘉其能行古道作師說以貽之** 不齒令其智題及不能及其可怪也數聖人無常師孔 故也宋代理學昌明者以師弟子相信故也唐時知 師道立則善人多漢世經學詳明者以師弟子相承 古文雅正

人ろしりまたという

金切じたノラ 道者獨有一韓子而當時人少肯師者即如張大昌 學得大明於時未必不由此子 希哲宰相子又與程子年爵不甚相下一見即首以 韓子痛切言之唐學不及漢宋者亦以此也吕原明 解推尊為師者况其他乎以此知唐時氣習最重故 李習之皇甫持正韓子得意弟子也然諸人集中亦 師禮事之原明惠器即此一端非復尋常而程子道 進學解 愈

欠至日午 在 **拔於百家之編記事者公提其要祭言者公鉤其元貪** 司之不公言未既有笑於列者曰先生欺余哉弟子事 生業患不能精無患有司之不明行患不能成無患有 爬羅剔抉刮垢磨光益有幸而獲選孰云多而不揚諸 去凶邪登崇俊良占小善者率以録名一藝者無不庸 荒於嬉行成於思毀於隨方令聖賢相逢治具畢張抜 國子先生晨入太學招諸生立館下誨之日業精於勤 先生於兹有年矣先生口不絕吟於六藝之文手不停 古文雅正

華作為文章其書滿家上規姚姒渾渾無涯周點殷盤 之業可謂勤矣紙排異端援斥佛之補直轉漏張皇鄉 多務得細大不捐焚膏油以繼晷恒兀兀以窮年先生 謂閱其中而肆其外矣少始知學勇於敢為長通於方 速莊縣太史所録子雲相如同工具曲先生之於文可 佶屈聱牙春秋謹嚴左氏浮誇易奇而法詩正而葩下 灁於既倒先生之於儒可謂有勞矣沉浸醲郁含英咀 眇尋陰緒之茫茫獨旁搜而遠紹障百川而東之廻狂

をけいらん

111

待用無遺者醫師之良也登明選公雜進巧批紆餘為 兒號寒年豐而妻啼飢頭童齒豁竟死何神不知處此 とっているという 樽櫨侏儒根闖扂楔各得其宜施以成室者匠氏之工 南夷三年博士冗不見治命與仇謀取敗幾時冬暖而 也玉札丹砂赤箭青芝牛溲馬勃敗鼓之皮俱収竝蓄 而及教人為先生日吁子來前夫大木為亲細木為桶 左右具宜先生之於為人可謂成矣然而公不見信於 人私不見助於友跋前躓後動輒得咎暫為御史逐寬 古文雅正

於用行雖修而不顯於眾循且月費俸錢歲麼原果子不 雖勤而不繇其統言雖多而不要其中文雖奇而不濟 為法絕 類離偷優入聖域其遇於世何如也今先生學 論是弘逃讒于楚廢死蘭陵是二儒者吐辭為經舉足 孟軻好辯孔道以明轍環天下卒老於行茍御守正大 妍卓帶為傑較短量長惟器是適者宰相之方也昔者 知耕婦不知織東馬從徒安坐而食踵常途之促促窺 陳編以盗竊然而聖主不加誅宰臣不見斥兹非其幸

金分四個人司

年欲進其稀苓也 就是所謂詰匠氏之不以代為極而訾醫師以**昌陽引** `` **帕之有亡計班資之崇庫忘已量之所稱指前人之瑕** 與動而得該名亦隨之投閉置散 過分之宜若夫商財 數語誰人能有此志向春秋謹嚴數語誰人能有此 識解勿論七發七哀等不足比倫即賓戲解嘲等篇 此篇解涉愤激宋儒為已之學定不如此然公自叙 其讀書衛道之苦心不可沒也且如尋隆緒之茫茫 7 101 1115 古文雅正

動炭四月 士之特立獨行適於義而已不顧人之是非皆豪傑之 矣若至於舉世非之力行而不惡者則千百年西 矣至於一國一州非之力行不惡者蓋天下一人而已 士信道為而自知明者也一家非之力行而不惑者寡 而已耳若伯夷者窮天地豆萬世而不顧者也胎乎日 亦相懸絕也惟送窮文全係玩世慎俗之作可不録 耳 伯夷頌 韓 愈

人子可見合馬 謂士者一凡人譽之則自以為有餘一凡人沮之則自 矣天下宗周彼二子廼獨恥食其栗餓死而不顧繇是 聞有非之者也彼伯夷叔齊者廼獨以為不可殷既滅 以為不足彼獨非聖人而自是如此夫聖人廼萬世之 而言夫豈有求而為哉信道寫而自知明也今世之所 月不足為明萃乎泰山不足為高巍乎天地不足為容 也當殷之七周之與微子賢也抱祭器而去之武王周 公聖也從天下之賢士與天下之諸侯而往攻之未嘗 古文雅正

標準也余故曰若伯夷者特立獨行窮天地亘萬世而 尚恨有闕者不為許遠立傳入不載雷萬春事首尾遠 得李翰所為張巡傳翰以文章自名為此傳頗詳宏然 不顧者也雖然微二子亂臣賊子接跡于後世矣 元和二年四月十三日夜愈與吳郡張籍開家中舊書 (材若不及巡者開門納巡位本在巡上授之柄而處 激昂峻技讀之頑夫康懦夫有立志 張中丞傳後叙 韓 愈

アスワらいさす 守時外無蚍蜉蟻子之援所欲忠者國與主耳而賊語 知死處矣遠之不畏死亦明矣鳥有城壞其徒俱死獨 信外無待而猶死守人相食且盡雖愚人亦能數日而 以國亡主滅遠見救援不至而賊來盆衆必以其言為 巡死而遠就廣疑畏死而辭服於賊遠誠畏死何苦守 其下無所疑忌竟與巡俱守死成功名城陷而庸與巡 尺寸之地食其所愛之內以與賊抗而不降乎當其圍 死先後異耳兩家子弟材智下不能通知二父志以為 古久雅正

一蒙愧恥求活雖至愚者不恩為嗚呼而謂遠之賢而為 他則又何說當二公之初守也寧能知人之卒不救棄 之美如是哉如巡遠之所成就如此卓卓循不得免其 從而尤之其亦不達於理矣小人之好議論不樂成 城而逆遁苟此不能守雖避之他處何益及其亡救而 有先受其病者引絕而絕之其絕必有處觀者見其然 1耶說者入謂遠與巡分城而守城之陷自遠所分始 此訴遠此入與兒童之見無異人之將死其臟腑公

ルノヨ

とこう日本は 時事云南霽雲之乞救於賀蘭也賀蘭嫉延遠之聲威 於兩府問親祭於其所謂雙廟者其老人往往說巡遠 逆亂設淫解而助之攻也愈嘗從事於汴徐二府屢道 者相環也不追議此而責二公以死守亦見其自此於 日滋之師蔽遮江淮沮遏其勢天下之不亡其誰之功 其講之精矣守一城桿天下以千百就盡之卒戰百萬 也當是時棄城而圖存者不可一二數擅疆兵坐而觀 且弱也将其創残餓贏之餘雖欲去必不達二公之賢 古文雅正

贼必减賀蘭此矢所以志也愈貞元中過泗州船上 **皆感激為雲泣下雲知賀蘭終無為雲出師意即馳去** 防之人不食月餘日矣雲雖欲獨食義不忍雖食且不 將出城抽矢射佛寺浮圖矢著其上甎半箭曰吾歸 强留之具食與樂延霽雲坐霽雲慷慨語曰雲來時睢 循 功績出己上不肯出師救愛霽雲之勇且壯不聽其語 指以相語城陷賊以刃脅降巡巡不屈即牽去將斬 咽 因核所佩刀斷 指血淋漓以示賀蘭一座大驚 破

金与四人

籍大思中於和州烏江縣見當萬時年六十餘美以巡 こくここり ラーハドラー 調窩口何為久讀此嵩曰未熟也巡曰吾於書讀不過 事不能細也云涎長七尺餘鬚髯若神當見萬讀漢書 初當得臨漁縣尉好學亡所不讀籍時尚小粗問巡遠 不義伍雲笑曰欲將以有為也公有言雲敢不死即不 之入降霽雲雲未應巡呼雲日南八男兒死耳不可為 三遍終身不忘也因誦萬所讀書盡卷不錯一字當驚 屈張籍曰有于嵩者少依於巡及巡起事嵩常在圍中 古文雅正 4

金好四月八十 勿怖死命也衆泣不能仰視巡就戮時顏色不亂陽陽 以為巡偶熟此卷因亂抽他帙以試無不盡然萬入取 如平常遠電厚長者貌如其心與巡同年生月日後於 名其後亡不識者巡怒鬚髯軟張及城陷賊縛巡等數 時士卒僅萬人城中居人戶亦且萬數巡因一見問姓 **巡常讀書也為文章操紙筆立書未嘗起草初守睢陽** 架上諸書試以問巡巡應口誦無疑萬從巡久亦不見 人生且將戮巡起旋其眾見巡起或起或泣巡曰汝

人かりましたかう 所殺嵩無子張籍云 傳萬有田在亳宋間武人奪而有之萬將詣州訟理為 巡呼巡為兄死時年四十九萬貞元初死於毫宋間或 雅陽與太守許遠城父令姚誾等合遣將雷萬春南 即採公此論南霽雲雷萬春並附列傳巡傳言巡至 翔蔚然而虎鳳躍鏘然而韶鈞鳴者是也巡遠在地 氣薄雲霄光争日月李漢叔公文所謂能然而蛟龍 應掀髯起舞讀者亦掀髯起舞〇按唐書許遠傳 古文雅正 十五

傳令狐潮圍雍丘萬春為巡偏將立城上與語六矢 傳云霽雲萬春敗賊於寧陵也別將二十有五後皆 霽雲等領兵戰寧陵北斬賊將二十殺萬餘人萬春 而不及萬春遂疑前之雷萬春為南霽雲之誤愚謂 著面不動巡任之與霽雲均前輩以篇中但及霽雲 不肯降廼與姚誾雷萬春等三十六人遇害又萬春 不載首尾者即雷傳不詳所來也老人客說既第舉 死巡難並詳傳中唯四人逸其姓名又巡傳霽雲亦

金りとかんだっ

| 吹定四車全書 | T 則非矣是前人已糾其謬 霽雲乞救賀蘭兩不相蒙而鹿門以為雷萬春疑當 是師心臆說後閱黃太冲有答張爾公書言茅鹿門 霧雲小時粗問更不細及萬春則昌黎亦竟付之關 作南霽雲若乞救之事照應此句以補李翰之不載 如昌黎張中丞傳後序云不載雷萬春事首尾與南 如或畧或詳於文義初無礙也〇愚既為此論恐猶 八家之選其古大墨本之荆川遵嚴至其批評謬處 古大雅正

者耳然尚有似不相晓者非故欲發余乎不然何子 於故舊之道得矣雖僕亦固望於吾子不敢望於他 至手筆以問之板接古昔辭義高遠且進且勸足下之 操持因不知變以至辱於再三君子小人之所憫笑天 斯立足下僕見險不能止動不得時顛頓狼狽失其所 不以丈夫期我也不能黙默聊復自明僕始年十六七 下之所背而馳者也足下猶復以為可教貶損道德 答崔立之書 愈 所試文章亦禮部之類私怪其故然循樂其名因入詣 博學宏辭選者人尤謂之才且得美仕就求其術或出 惡出於其心四樂而後有成亦未即得仕聞吏部有以 以相示僕以為可無學而能因詣州縣求舉有司者好 多貴之僕誠樂之就求其術或出禮部所試賦詩策等 然後知仕之不唯為人耳及來京師見有舉進士者人 有利乎已也及年二十時苦家貧衣食不足謀於所親 時未知人事讀聖人之書以為人之仕者皆為人耳

次已日年八号

古文雅正

辭者豈令之所謂者乎誠使古之豪傑之士若屈原孟 成就書所謂肚過作非者也因復求舉亦無幸馬乃復 者之解顏忸怩而心不寧者數月既已為之則欲有所 軻司馬遷相如楊雄之徒進於是選必知其懷慙乃不 無甚愧馬夫所謂博學者豈令之所謂者乎夫所謂宏 自疑以為所試與得之者不同其程度及得觀之余亦 不得仕人或謂之能馬退自取所試讀之乃類於俳優

金にんじんろう

州府求舉凡二試於吏部一既得之而又點於中書雖

僕公知其辱馬然彼五子者且使生於今之世其道雖 於人耳其他可否自計已熟誠不待人而後知今足下 得蓋欲以具裘葛養窮孤其大得蓋欲以同吾之所樂 自進而已耳設使與夫令之善進取者競於蒙昧之中 不顯於天下其自負何如哉官與夫斗筲者決得失於 人こうらいう 乃復比之献玉者以為公埃工人之剖然後見知於己 下雖兩別足不為病且無使勍者再尅誠足下相勉之 夫之目而為之憂樂哉故凡僕之汲汲於進者其小 占文雅正

乎吾君上希卿大夫之位下猶取一障而東之若都不 未嘗別足下無為為我戚威也方今天下風俗尚有未 而後進者尤非相悉之辭也僕之王固未嘗獻而足固 意厚也然仕進者宣舍此而無門哉足下謂我必待是 事考賢人哲士之終始作唐之一經垂之於無窮誅姦 以為憂僕雖不賢亦且潜究其得失致之乎吾相薦之 及於古者邊境尚有被甲執兵者主上不得怡而宰相 可得猶將耕於寬閒之野釣於寂寞之濱求國家之遺

あらい人ろう

僕之玉凡幾獻而足凡幾別也入所謂勍者果誰哉再 **訣於既死發潜德之坐光二者將必有一可足下以為** 剋之刑信如何也士固信於知己微足下無以發吾之 狂言 久己日日八百日 材者今俗下秀才類然至有小試前茅便詞詞有於 日東菜笑當時父兄無見識以子弟得! 氣者斗質器量亦不宜爾此文可振士子則古稱先 之志即不能志於道德獨不思以好古自豪乃局於 古文雅正 第便為成

多りにんつき 矣抑不知生之志斬勝於人而取於人耶將斬至於古 有日矣况其外之文乎抑愈所謂望孔子之門墙而不 六月二十六日愈白李生足下生之書辭甚高而其問 生所謂立言者是也生所為者與所期者甚似而幾 科舉耶 於其宮者馬足以知是且非耶雖然不可不為生言 下而恭也能如是誰不欲告生以其道道惠之歸也 答李翊書 愈

PARTITION OF THE PROPERTY OF T 實逐書之沃者其光時仁義之人其言謁如也抑又有 心而注於手也惟陳言之務去憂受乎其難哉其觀 年矣始者非三代兩漢之書不敢觀非聖人之志不敢 難者愈之所為不自知其至猶未也雖然學之二十餘 勢利養其根而埃其實加其膏而布其光根之茂者其 於人矣將斬至於古之立言者則無望其速成無誘於 之立言者耶斯勝於人而取於人則固勝於人而可取 存處若忘行若遗儼乎其若思光乎其若迷當其取於 古文雅正

之乎詩書之源無迷其途無絕其源終吾身而已矣氣 也然後肆馬雖然不可以不養也行之乎仁義之途游 沛然矣吾入懼其雜也迎而距之平心而察之其皆醇 汨然來矣其觀於人也笑之則以為喜譽之則以為憂 矣而務去之乃徐有得也當其取於心而注於手也汨 後識古書之正偽與雖正而不至馬者昭昭然白黑分 以其循有人之說者存也如是者亦有年然後浩乎其

人不知其非笑之為非笑也如是者亦有年猶不改然

ろくっとり しんふう 處心有道行已有方用則施諸人舍則傳諸其徒垂諸 人所以勸之非敢褒其可褒而貶其可貶也問於愈者 乎古者希矣志乎古必遗乎今吾誠樂而悲之與稱其 文而為後世法如是者其亦足樂乎其無足樂也有志 待用於人者其肖於器耶用與含屬諸人君子則不然 其敢自謂幾于成乎雖幾于成其用於人也奚取馬雖然 猶是也氣盛則言之短長與聲之高下者皆宜雖如是 水也言浮物也水大而物之浮者大小畢浮氣之與言 古文雅正

多矣念生之言不志乎利聊相為言之 愈白行官自南廻過吉州得吾兄二十四日手書數番 曹謂自秦漢以來惟公集文章之大成此篇自寫得 於道逐居然以傳道自命然自叙其躬行實踐之功 力處尤不可不熟玩也 少有見馬至自道為文工夫本領親切有味如此余 公生平刻苦肆力本期至于古之立言者因而有見 與孟尚書書 愈

生いりにいろうする

んないりまってんます 來往及祭神至海上逐造其廬及來表州留衣服為別 亂與之語雖不盡解要自胸中無滞礙以為難得因與 僧號大顛頗聰明識道理遠地無可與語者故自山名 久矣凡君子行已立身自有法度聖賢事業具在方冊 至州郭留十數日實能外形骸以理自勝不為事物侵 忻悚無至未審入秋來眠食何似伏惟萬福來示云有 乃人之情非崇信其法求福田利益也孔子云丘之禱 人傳愈近少信奉釋氏此傳之者妄也潮州時有一老 古文雅正 辛

慶自各以其類至何有去聖人之道捨先王之法而從 金月四月 昭布森列非可誣也入肯令其鬼行胸臆作威福於其 傳又曰不為威惕不為利疚假如釋氏能與人為禍崇 夷狄之教以求福利也詩不云乎愷悌君子求福不田 於守道之人如小人也其身已死其鬼不靈天也神祇 非守道君子之所懼也况萬萬無此理且彼佛者果何 可效可師仰不愧天俯不愧人內不愧心積善積惡殃 人哉其行事類君子耶小人耶若君子也必不妄加禍

先王之法燒除其經坑殺學士天下逐大亂及秦滅漢 聖人之徒也揚子雲云古者楊墨塞路盖子解而闢之 墨交亂而聖賢之道不明則三綱淪而九法數禮樂崩 間哉進退無所據而信奉之亦且感矣且愈不助釋氏 次尺刀車人里 **廓如也夫楊墨行正道廢且將數百年以至於秦卒滅** 而夷狄横幾何其不為禽獸也故曰能言距楊墨者皆 與且百年尚未知修明先王之道其後始除挾書之律 排之者其亦有說孟子云今天下不之楊則之墨楊 古文雅正 辛二

義貴王賤霸而已其大經大法皆亡滅而不救壞爛而 是大壞後之學者無所尋逐以至於令泯泯也其禍出 見為守分離乖隅不合不公二帝三王羣聖人之道於 士多老死新者不見全經不能盡知先王之事各以所 無施雖切何補然賴其言而今學者尚知宗乳氏崇仁 於楊墨肆行而莫之禁故也益子雖賢聖不得位空言 不収所謂存十一於千百安在其能原如也然向無孟

稍求七書招學士經雖少得尚皆殘缺十七二三故學

人にりたとう 壞之後嗚呼其亦不量其力且見其身之危莫之救以 其亦不仁甚矣釋老之害過於楊墨韓愈之賢不及五 於是時也而唱釋老於其間鼓天下之衆而從之嗚呼 不在禹下者為此也漢氏以來羣儒區區修補百孔十 **瘡隨亂隨失其危如一髮引千動綿綿延延寖以微滅** 死也雖然使其道由愈而粗傳雖滅死萬萬無恨天地 氏則皆服左稱而言侏儒矣故愈當推尊孟氏以為功 孟子不能救之於未亡之前而韓愈乃欲全之於已 古文雅正

吾兄眷厚而不獲承命惟增惭懼死罪死罪愈再拜 **鬼神臨之在上質之在傍入安得因** 以從於邪也籍提革雖属指教不知果能不叛去否辱 您愚不能量事勢可否比常念淮右以靡與困頓三州 絕大眼孔絕大抱負語皆驚心動魄出之原道佛骨 表孟尚書書張中丞傳後序此四篇尤為韓集絕頂 **文字亦千古之至文也** 再與鄂州柳中丞書 推折自毁其道 愈

られてうことろ 勢見將軍之鋒颉凛然有向敵之意用儒雅文字章句 界上將二州之守親出入行問與士卒均辛苦生其氣 蹴蹈英肯杖戈為士卒前行者獨閣下 奮然率先揚兵 手坐之堂上奉以為帥出死力以抗逆明詔戰天下之 之地蚊蚋蟻蟲之聚感凶監喣濡飲食之惠提童子之 兵乘機逐利四出侵暴屠燒縣邑贼殺不辜環其地數 公卿士大夫勞於圖議握兵之將熊羆貙虎之士畏懦 千里莫不被其毒洛汝襄荆許賴淮江為之騷然丞相 古文雅正

金月四月八十二 **怒角逐争一旦僥倖之利哉就令如是亦不足貴其所** 之業取先天下武夫關其口而奪之氣愚初聞時方食 狀賴述鄙誠眷惠手翰還答益增忻悚夫一眾人心力 不覺棄七箸起立豈以為問下真能引狐軍單進與死 其言繼之以無倦得形便之地甲兵足用雖國家故所 耳目使所至如時雨三代用師不出是道閣下果能充 以服人心在行事適機宜而風采可畏爱故也是以前 失地旬歲可坐而得况此小鬼安足置盡牙間勉而卒

SACTOME LINE 宜不惜時賜示及幸甚 為何如倘可上聞行之否計已與裴中丞相見行營事 受護鄉里勇於自戰徵兵滿萬不如名募數十閣下以 土人必得豪勇與賊相熟知其氣力所極無望風之驚 勢銷弱又與賊不相語委臨敵恐駭難以有功若召募 姑息形迹之患急之則怨緩之則不用命浮寄狐懸形 之以俟其至幸甚夫遠徵軍士行者有羈旅雜別之思 唇者有怨曠騷動之憂本軍有饋餉煩費之難地主多 古文雅正 千六

金分に人人言 大凡物不得其平則鳴草木之無聲風捷之鳴水之無 讀原近等篇知公非徒文士也讀上憲宗論淮西事 學人必有實經濟怎得分判故公此篇古勁雄健字 幾行性理全無器識以凡為道學者類然不知實道 語道學而不知經濟一書處耳世人見迂庸一種讀 宜篇知公非徒道學也文士而不知道一書篋子耳 經追琢而出效西漢而無其遊進策亦足閱經濟 送孟東野序 愈

LACE DE SELECT 是故以爲鳴春以雷鳴夏以蟲鳴秋以風鳴冬四時之 善鳴者也維天之於時也亦然擇其善鳴者而假之鳴 聲者其皆有弗平者乎樂也者鬱於中而泄於外者也 炙之金石之無聲或擊之鳴人之於言也亦然有不得 聲風荡之鳴其躍也或激之其趨也或梗之其沸也或 相推放其公有不得其平者乎其於人也亦然人聲之 已者而後言其詩也有思其哭也有懷凡出乎口而為 擇其善鳴者而假之鳴金石絲竹匏土革木八者物之 古文雅正

|精者為言文辭之於言入其精也尤擇其善鳴者而假 也楊朱墨翟管夷吾晏娶老聃申不害韓派春到田縣 大國也其七也以屈原鳴藏孫辰孟軻首卿以道鳴者 為木鐸其弗信矣乎其末也莊周以其荒唐之辭鳴楚 周之哀孔子之徒鳴之其聲大而遠傳曰天將以夫子 能以文辭鳴又自假於韶以鳴夏之時五子以其歌鳴 伊丹鳴殷周公鳴周凡載於詩書六藝皆鳴之善者也 之鳴其在於唐虞咎陶禹其善鳴者也而假以鳴夔弗

金月四月百日

次已可具在野 善鳴者也唐之有天下陳子昂蘇源明元結李白杜甫 詩鳴其萬出魏晉不懈而及於古其他浸淫乎漢氏矣 李觀皆以其所能鳴其存而在下者孟郊東野始以其 清以浮其節數以急其解淫以哀其志弛以肆其為言 斯鳴之漢之時司馬遷相如揚雄最其善鳴者也其下 鄒行尸佼孫武張儀蘇泰之屬皆以其術鳴泰之與李 也亂雜而無章將天醜其德莫之顧耶何為乎不鳴其 魏晉氏鳴者不及於古然亦未常絕也就其善者其聲 古文雅正

思愁其心肠而使自鳴其不幸耶三子者之命則懸乎 不知天將和其聲而使鳴國家之盛耶抑將窮餓其身 從吾遊者李翔張籍其尤也三子者之鳴信善鳴矣抑 天矣其在上也異以喜其在下也異以悲東野之役於 江南也有若不釋然者故吾道其命於天者以解之 求可傳者亦少馬故登此文以鼓之至其文之變化 世之汨没於時文久矣不但無志于道即肆力于古 雅奇獨出格調尤令人有舞蹈之樂

be a little little **幽而勢阻隱者之所盤旋友人李愿居之愿之言曰人** 民鮮少或曰謂其環兩山之間故曰盤或曰是谷也宅 於廟朝進退百官而佐天子出令其在外則樹旗旄羅 太行之陽有監谷盤谷之間泉甘而土肥草木聚茂居 灰馳喜有賞怒有刑才唆滿前道古令而譽盛德入 ,矢武夫前呵從者塞途供給之人各執其物夾道而 一柄大丈夫者我知之矣利澤施於人名聲昭於時坐 送李愿歸盤谷序 古文雅正

前熟若無毀於其後與其有樂於身熟若無憂於其心 憐大丈夫之遇知於天子用力於當世者之所為也吾 **非惡此而逃之是有命馬不可幸而致也窮居而閒處** 升髙而望遠坐茂樹以終日濯清泉以自潔採於山美 車服不維刀鋸不加理亂不知點陟不聞大丈夫不遇 '袖粉白黛緑者列屋而閒居妒寵而負恃争妍而 ,如釣於水鮮可食起居無時惟適之安與其有譽於 不煩曲看豐頗清聲而便體秀外而惠中飄輕裾 取

金月四月八月

為之歌日 マミノロョーだまる 一丁 盤之樂分樂且無央虎豹遠跡分蛟龍遁藏鬼神守護 之阻谁争子所弱而深廓其有容繚而曲如往而復嗟 盤之中維子之官盤之土可以稼盤之泉可濯可沿盤 蓋觸刑辟而誅戮徼倖於萬一老死而後止者其於為 人賢不肖何如也昌黎韓愈聞其言而壯之與之酒而 形勢之途足將進而趁起口將言而囁嚅處穢污而不 於時者之所為也我則行之伺候於公卿之門奔走於 古文雅正

多方四月十二 車分秣吾馬從子於盤分終吾生以徜徉 今呵禁不祥飲且食兮壽而康無不足分奚所望膏吾 赞中段可作陶靖節像赞未段可作諸追逐勢利全 書愿傳愿少識謹初領夏緩銀有節度使政簡而嚴 為文變化分寸無所不有也0 前段可作郭令公像 至節度鳳翔自是通聲色而政哀矣史言其以荒侈 無意恥者像赞〇茶西平之子李愬之兄亦名愿唐 不下斷制只述其言獨關一格又無溢美之嫌公之

らんで、ノロドロト ないから 於元和七年西平子又正擁節花更非弃官商蹈者 名適同恐後人不及致辨耳公又有和盧郎中送盤 案南宋慶元中建安刊五百家註本此序後附載唐 敗結納權近與篇中所述正復相及明非一人矣又 可知 谷子詩序作於貞元十七年西平子方官環列詩和 高從一 送浮屠文暢師序 跋以証其非西平子蓋以兩人同時其姓 古文雅正 韓 圭 愈

聖人之道告之者而徒舉浮屠之說贈馬夫文暢浮屠 詩累百餘篇非至篤好其何能致多如是邪惜其無以 年春將行東南柳君宗元為之請解其裝得其所得叙 進之吾取以為法馬浮屠師文暢喜文章其周遊天下 是可以與之遊乎揚子雲稱在門墙則揮之在夷狄則 與之遊乎如有墨名而儒行者問其名則非校其行則 人固有儒名而墨行者問其名則是校其行則非可以 凡有行必請於潛紳先生以求咏歌其所志貞元十九

金月四月月日

次足可事在雪 等尊生者養而死者藏是故道其大乎仁義教莫正乎 若禽獸夷狄然聖人者立然後知宫居而粒食親親而 所以著思神之所以幽人物之所以著江湖之所以流 者宜當告之以二帝三王之道日月星辰之行天地之 而語之不當入為浮屠之說而瀆告之也民之初生固 有慕馬拘其法而未能入故樂聞其說而請之如吾徒 而來請也彼見吾君臣父子之懿文物事為之盛其心 也如欲聞浮屠之說當自就其師而問之何故謁吾徒 古文雅正

禮樂刑政施之於天下萬物得其宜指之於其躬體安 中國之人世守之今浮屠者熟為而孰傳之邪夫爲侥 湯以是傳之文武文武以是傳之周公孔子書之於冊 而氣平克以是傳之舜舜以是傳之禹禹以是傳之湯 游以生死與禽獸異者寧可不知其所自耶夫不知者 且不脱馬弱之肉疆之食今吾與文暢安居而服食優 非其人之罪也知而不為者惑也忧乎故不能即乎新 而啄仰而四顧夫獸深居而簡出懼物之為已害也猶

金げんじんくきつ

久已日日上日 唐受天命為天子凡四方萬國不問海內外無小大咸 也余既重柳請入嘉浮屠能喜文辭於是乎言 者弱也知而不以告人者不仁也告而不以實者不信 能如程朱之親切說出也 有所見與文士大別然于窮理修身謹確細客處未 此篇小原道也公凡送浮唇詩若文必先斥其非而 示以正道此公之兀岸不苟處〇公于談道之文確 送殷員外使回鶻序 古文雅正 Ŧ 愈

四品一 **睿聖文武皇帝既嗣位悉治方内就法度十二年詔曰** 臣順於朝時節貢水土百物大者特來小者附集元和 大夫莫不出餞酒半右庶子韓愈執蓋言曰殷大夫今 尚書虞部員外郎無侍御史朱衣象笏於命以行朝之 知時事者一人與之為貳由是殷侯有自太常博士遷 四方萬國惟回鹘於唐最親奉職尤謹丞相其選宗室 適數百里出門個個有雜別可憐之色持被入直三 人持節往賜居長告之朕意入選學有經法通

金がりでんろう

其行云 **翁之南其州七十其二十二隸獨南即度府其四十餘 鉛真誠知人士不通經果不足用於是相屬為詩以道** 幾微出於言面豈不真知輕重大丈夫哉丞相以子應 分四府府各置帥然獨嶺南節度為大府大府始至四 使于四方聖人重之文之簡古蒼老令我玩誦不置 送鄭尚書序 愈

省丁寧顧婢子語刺刺不能休今子使萬里外國獨無

人つ、りられます

古文雅正

三十四

金られていろろう 虔若小侯之事大國有大事諮而後行隸府之州離府 據館師守屏若將趨入拜庭之為者大府與之為讓至 **必遣賀問致水土物大府帥或道過其府府帥公戎服** 府处使其佐啟問起居謝守地不得即假以為禮歲時 輕易怨以變其南州皆岸大海多洲島飄風一日踔數 遠者至三千里懸隅山海使必數月而後能至蠻夷悍 左握刀右屬弓矢帕首袴鞾迎郊及既至大府的先入 再乃敢改服以賓主見適位執爵皆與拜不許乃止

數或時候風潮朝貢靈胡賈人船交海中若衛南帥 **亶之州林邑扶南真臘干陀利之屬東南際天地以萬** 盡根株痛斷乃止其海外雜國若耽浮羅流求毛人 人こりにいい 其人則 不完切之長養以兒子至紛不可治乃草薙而禽稱之 以待將吏撞搪呼號以相和應蜂屯蟻雜不可爬梳好 人怒則獸故常薄其征入簡節而疎目時有所遗漏 里漫瀾不見踪跡控御失所依險阻結黨仇機毒矢 一邊盡治不相惡盗賊殺無風雨之災水旱 Ę 古之雅正 ; + 5 夷

惠可稱道入朝為金吾將軍散騎常侍工部侍郎尚書 金月四月百十 毒之患外國之貨口至珠香象犀玳瑁奇物溢於中國 者不富之效也及是命朝廷莫不悦将行公卿大夫士 家屬百人無數畝之宅就屋以居可謂貴而能貧為仁 節鎮襄陽又帥滄景德棣歷河南尹華州刺史皆有功 書鄭公為刑部尚書魚御史大夫往踐其任鄭公常以 不可勝用故選帥常重於他鎮非有文武威風知大體 可畏信者則不幸往往有事長慶三年四月以工部尚

たこすらいま 必以來字者所以祝公成政而來歸疾也 苟能詩者咸相率為詩以美朝政以慰公南行之思韻 也俗子讀韓文但能喜誦其疎宕者此等不究心故 詳盡錯落妙在極雕琢極自然明代王李之學左史 目黎公送行序多用議論以疎宕勝此獨叙事古與 典古字亦少似妝點輯級而非內流者公所以絕後 徒以險澀耳入但見作意而無自然合度之妙胸中 全不知古文藩籬而入此篇極有法度易學0首叙 古文雅正 美

在一片四十月月十十日 省所怙惟兄嫂是依中年兄殁南方吾與汝俱幻從嫂 年月日李父愈聞汝喪之七日乃能街哀致誠使建中 名權干王守澄以得廣州本無可稱者公只叙閣係 之重末界帶勉勵一筆公為文慎許可如此 其權之大足以有為次叙關係之重勉以處置之宜 在言外末規其庶祝其成政而來筆極雅〇鄭尚書 具時羞之莫告汝十二郎之靈嗚呼吾少孤及長不 祭十二郎文 愈

歸葬河陽既又與汝就食江南零丁孤苦未嘗一日相 久己日日 白雪 葬入二年吾佐董丞相於汴州汝來省吾止一歲請歸 韓氏兩世惟此而已汝時尤小當不復記憶吾時雖能 在子惟吾两世一身形單影隻嫂常撫汝指吾而言曰 離也吾上有三兄皆不幸早世承先人後者在孫惟汝 年而歸視汝入四年吾往河陽省墳墓遇汝從嫂丧來 記憶亦未知其言之悲也吾年十九始來京城其後四 取其孥明年丞相薨吾去汴州汝不果來是年吾佐戎 古文雅正 ニナセ

徐州使取汝者始行吾又罷去汝又不果來吾念汝從 而早世如吾之裏者其能久存乎吾不可去汝不肯來 視茫茫而髮蒼蒼而齒牙動搖念諸父與諸兄皆康强 斗斛之禄誠知其如此雖萬東之公相吾不以一日報 而致汝鳴呼孰謂汝遽去吾而殁乎吾與汝俱少年以 汝而就也去年孟東野往吾書與汝曰吾年未四十而 于東東亦客也不可以久圖久遠者莫如西歸將成家 為雖暫相別終當久與相處故捨汝而旅食京師以求

金りにかんこう

TY OLD TOLLY TO 其真邪信也吾兄之盛德而天其嗣乎汝之純明而不 恐旦暮死而汝抱無涯之戚也孰謂少者殁而長者存 强者夭而病者全乎嗚呼其信然邪其夢邪其傳之非 誠難測而神者誠難明矣所謂理者不可推而壽者不 嗣矣汝之純明宜業其家者不克蒙其澤矣所謂天者 克蒙其澤乎少者强者而天改長者哀者而存全乎未 何為而在吾側也嗚呼其信然矣吾兄之盛德而夭其 可以為信也夢也傳之非其真也東野之書耿蘭之報 古文雅正

常常有之未始以為憂也嗚呼其竟以此而殞其生乎 者無窮期矣汝之子始十歲吾之子始五歲少而强者 者或脱而落矣毛血日益東志氣日益微幾何不從汝 年書云比得軟腳病往往而劇吾曰是疾也江南之人 不可保如此孩提者入可真其成立耶嗚呼哀哉汝去 而死也死而有知其幾何離其無知悲不幾時而不悲 抑別有疾而至斯乎汝之書六月十七日也東野云汝 可知矣雖然吾自今年來蒼蒼者或化而為白矣動

金月四月百十

待終丧則待終喪而取以來如不能守以終喪則逐 書乃問使者使者妄稱以應之耳其然乎其不然乎令 スコリアとう 吾使建中祭汝界汝之孤與汝之乳母彼有食可守以 問家人以月日如耿蘭之報不知當言月日東野與吾 殁以六月二日耿蘭之報無月日益東野之使者不 以來其餘奴婢拉今守汝丧吾力能改葬終葬汝於先 之兆然後惟其所願嗚呼汝病吾不知時汝殁吾不 日生不能相養以共居殁不得撫汝以盡哀飲不憑 古文雅正 子九

金月 四八八百十 嗚呼言有窮而情不可終汝其知也耶其不知也耶嗚 吾子與汝子幸其成長吾女與汝女待其嫁如此而 意於人世矣當求數頃之田於伊顏之上以待餘年教 為之其又何尤彼蒼者天曷其有極白今已往吾其無 角生而影不與吾形相依死而魂不與吾夢相接吾實 其棺室不臨其穴吾行負神明而使汝天不孝不慈而 呼哀哉尚饗 不得與汝相養以生相守以死一在天之涯一在地之

人己可見と時 宗既除既治高宗中春休養生息至於玄宗受報收功 見聞以為當然落聖文武皇帝既受奉臣朝乃考圖 勤以容大惡適去稂莠不媽相臣將臣文恬武嬉習熟 極熾而豐物眾地大學才其間肅宗代宗德祖順考以 天以唐克肖其德聖子神孫繼繼承承於千萬年敬戒 不怠全付所覆四海九州罔有內外悉主悉臣萬祖太 酸痛慘擊入于五内微于九霄 平淮西碑 古文雅正 愈

貢曰嗚呼天既全付予有家令傳次在予予不能事事 博貝衛溫相無不從志皇帝曰不可究武予其少息九 年平蜀入明年平江東入明年平澤潞遂定易定致魏 其何以見於郊廟奉臣震懾奔走率職明年平夏入明 **兵利卒頑不與他等因撫而有順且無事大官臆決唱** 襄城以動東都放兵四劫皇帝歷問於朝一二臣外旨 日蔡帥之不廷授于今五十年傳三姓四將其樹本堅 蔡將死蔡人立其子 元濟以請不許遂燒 舞陽犯葉

金げんじんべきて

一次已四年全号 聲萬口和附并為一談牢不可破皇帝曰惟天惟祖宗 將之曰道古汝其觀察鄂岳曰題汝帥唐鄧隨各以其 守壽維是宣武淮南宣歇浙西四軍之行於壽者汝皆 之日弘汝以卒萬二千屬乃子公武往討之曰文通汝 維是朔方義成陝益鳳翔廷慶七軍之在行者汝皆將 之在行者汝皆將之曰重角汝故有河陽懷今益以汝 為無助日光顏汝為陳許帥惟是河東魏博命陽三軍 所以付任予者庶其在此予何敢不力况一二臣同不 古文雅正

苦自今以往非郊廟祠祀其無用樂顏角武合攻其北 憚大吏庶申予其臨門送汝曰御史予憫士大夫戰甚 守漁汝出入左右汝惟近臣其往撫師曰度汝其往衣 大戰十六得柵城縣二十 三降人卒四萬道古攻其東 兵進戰日度汝長御史其往視師日度惟汝予同汝遂 /天御帶衛卒三百凡兹廷臣汝擇自從惟其賢能無 飲食予士無寒無飢以既厥事遂生祭人賜汝節斧 予以賞罰用命不用命曰弘汝其以節都統諸軍

大いとりまという 遇降萬二十級入其西得賊將轉釋不殺用其策戰比 以其食賜蔡人凡蔡卒三萬五千其不樂為兵願歸為 武合戰益用命元濟盡升其眾洄曲以備十月壬申恕 到蔡破其門取元濟以獻盡得其屬人卒辛已丞相度 用所得賊將自文城因天大雪疾馳百二十里用夜半 有功十二年八月丞相度至師都統弘责戰益急顏涓 南八戰降萬三千再入中破其外城交通戰其東十餘 入蔡以皇帝命赦其人淮西平大饗費功師還之日因 古文雅正 門士

唐承天命遂臣萬邦孰居近土襲盗以狂往在玄宗崇 震者十九悉縱之斬元濟京師冊功弘加侍中題為佐 副總為工部尚書領蔡任既還奏羣臣請紀聖功被之 師道封晉國公進階金紫光禄大夫以舊官相而以其 僕射帥山南東道顏眉皆加司空公武以散騎常侍帥 金げいんとう 金石皇帝以命臣愈臣愈再拜稽首而獻文曰 而地河北悍縣河南附起四聖不宥屢興師征有不 坊丹延道古進大夫文通加散騎常侍丞相度朝京

糧外多失朝曠不岳狩百隸怠官事亡其舊帝時繼位 Ra Deschar 奏汝功三方分攻五萬其師大軍北乘厥數倍之常 故常始命討之逐連姦鄰陰遣刺客來戚相臣方戰未 將首義六州降從准蔡不順自以為强提兵叫謹欲事 一顧膽浴嗟惟汝文武孰恤予家既斬吳蜀旋取山東魏 能克盆戍以兵夫耕不食婦織不裳輸之以車為卒賜 乃相同德以託天誅乃敕顏脩恕武古通咸統於弘各 利内驚京師犀公上言莫若惠來帝為不聞與神為謀 古文雅正

色好四月至言 蔡人告饑船栗往哺蔡人告寒賜以繪布始時蔡人禁 魁釋其下人蔡之卒夫投甲呼舞蔡之婦女迎門笑語 千里既入而有莫不順俟帝有恩言相度來宣誅止其 抽其有聚以防我西師躍入道無留者領領蔡城其疆 降自夏入秋復屯相望兵頓不勵告功不時帝哀征夫 時由軍士蠢蠢既翦凌雲蔡卒大寫勝之邵陵郾城來 不往來今相從戲里門夜開始時蔡人進戰退戮今肝 命相往釐士飽而歌馬騰於槽試之新城賊遇敗逃盡

沙芝四单全書 一 斷乃成既定准禁四夷畢來逐開明堂坐以治之 亂天子伐之既伐而饑天子活之始議伐蔡卿士莫隨 奚恃其告而長而父而兄奔走偕來同我太平淮蔡為 為不順往斧其吭凡叛有數聲勢相倚吾强不支汝弱 天子明聖不順族誅順保性命汝不吾信視此蔡方孰 既伐四年小大垃炭不赦不疑由天子明凡此蔡功惟 稅蔡人有言始迷不知今乃大覺蓋前之為蔡人有言 而起左餐右粥為之擇人以收餘憊選吏賜牛教而不 古文雅正 四十四

適精能之至入神出天讀此文益見段文昌改作之 也〇起筆從尚書周官服來〇案唐書藩鎮傳全載|| 大唐文粹載之比此正嬰孩耳以其鋪排而無作手 吹吹也皇甫持正作公墓誌稱公文云茹古涵今無 紙怪發鯨壁春麗驚耀天下然而栗客弱眇章妾句 有端涯渾渾瀾灝不可窥校及其酣放毫曲快字凌 唐初雖稱燕許大手筆不過閱麗排偶耳視公作猶 此文克肖作克尚無明年平夏句延慶作鄜延寧慶

欠己の長と言 祖爽為唐宰相與褚遂良韓張俱得罪武后死高宗朝 子厚諱宗元七世祖慶為拓跋魏侍中封濟除公曽伯 進封下臣愈去臣字乃相作及相釋其作釋于今日 作今眠偕來作來偕至奔走率職作走職疑是脱誤 祠祀其無用樂節去祠其二字合戰去合字道封作 未必省文乃爾和附作利亦誤 浙西下多徐泗二字四軍作五軍大吏作天吏郊廟 柳子厚墓誌銘 古文雅正 四十五 愈

年りでんべき 直所與遊皆當世名人子厚少精敏無不通達逮其父 皇考諱鎮以事母棄太常博士求為縣令江南其後以 議論證據今古出入經史百子踔厲風發率常屈其座 時雖少年已自成人能取進士第嶄然見頭角衆謂柳 門下交口薦譽之貞元十九年由藍田尉拜監察御史 氏有子矣其後以博學宏辭授集賢殿正字儁傑庶悍 不能媚權貴失御史權貴人死乃復拜侍御史號為剛 人名聲大振一時皆慕與之交諸公要人争欲令出我

人のこうられたから 設方計悉令贖歸其尤貧力不能者令書其傭足相當 是豈不足為政耶因其土俗為設教禁州人順賴其俗 例名至京師又偕出為刺史而子厚得柳州既至嘆日 則 汎濫停蓄為深博無涯沒而自肆於山水間元和中嘗 未至入例貶永州司馬居陽盆自刻苦務記覽為詞章 順宗即位拜禮部員外郎遇用事者得罪例出為刺史 以男女質錢約不時贖子本相侔則沒為奴婢子厚與 使歸其質觀察使下其法於他州比一歲免而歸者 古文雅正

復為刺史也中山劉夢得禹錫亦在遣中當話播州子 里巷相慕悦酒食遊戲相徵逐調調强笑語以相取 疏願以柳易播雖重得罪死不恨遇有以夢得事白上 窮無辭以白其大人且萬無母子俱往理請於朝將拜 厚泣日播州非人所居而夢得親在堂吾不忍夢得之 且千人衡湘以南為進士者皆以子厚為師其經及子 者夢得於是改刺連州嗚呼士窮乃見節義今夫平居 厚口講指畫為文辭者悉有法度可觀其召至京師而

金月四月月

次已日年公告 下 子厚在臺省時自持其身已能如司馬刺史時亦自 者推挽故卒死於窮喬材不為世用道不行於時也使 可以少處矣子厚前時少年勇於為人不自貴重顧籍 夷狄所不忍為而其人自視以為得計聞子厚之風亦 可信一 握手出肺肝相示指天日涕泣誓生死不相背負真若 功業可立就故坐廢退既退入無相知有氣力得位 引手救反齊之又下石馬者皆是也此宜禽獸 旦臨小利害僅如毛髮比反眼若不相識落陷 古文雅正

窮不極雖有出於人其文學辭章必不能自力以致必 在リアノノニュ 萬年先人墓側子厚有子男二人長日周六始四歲季 年十一月八日卒年四十七以十五年七月十日歸葬 傳於後如今無疑也雖使子厚得所願為將相於一時 出觀察使河東裴君行立行立有節概重然諾與子厚 以彼易此孰得孰失必有能辨之者子厚以元和十四 斥斥時有人力能舉之且必復用不窮然子厚斥不久 日周七子厚卒乃生女子二人皆切其得歸葬也费旨

人口. 日日上江 有始終者銘曰是惟子厚之室既固既安以利其嗣人 而家馬逮其死不去既往葬子厚入將經紀其家庶幾 **另弟盧遵遵派人性謹順學問不厭自子厚之斥遵從** 結交子厚亦為之盡竟賴其力葬子厚於萬年之墓者 子人也宣徒文章與文公鼎峙哉全友陳少林亦云 遷善入有政事可稱居一官則盡一官之職此乃君 安溪先生云子厚不過因一時依附之失末路悔過 公此篇不為隱馥而子厚心迹自見未段激昻旋折 古大雅正 四十八

金分にルイラー 為確註 惜耳韓子人有上鄭相公啟云無一分顧籍心此最 自貴重顧籍籍字句絕從安溪先生讀顧籍猶言顧 没多為薦拔經紀故末叙裴盧二君特為稱賛○不 者甚大故登斯選〇公生平最篤于朋友者故人存 盡情極致子厚可以瞑目矣〇中叙朋友一節尤能 使澆薄僥負一種人縮首流汗其有關于世道人心 鱷魚文 韓 愈

州之近地刺史縣令之所治出貢賦以供天地宗廟百 慈武四海之外六合之内皆撫而有之况禹跡所掩揚 鱷魚之涵淹卵育於此亦固其所今天子嗣唐位神聖 皆棄之以與蠻夷楚越况潮嶺海之間去京師萬里哉 出之四海之外及後王德薄不能遠有則江漢之間尚 天下列山澤網繩獨刃以除蟲蛇惡物為民害者驅而 維年月日潮州刺史韓愈使軍事衙推秦濟以羊一豬 投惡溪之潭水以與鱷魚食而告之曰苦先王既有

次己の手とは写

古文雅正

·處食民畜熊豕鹿摩以肥其身以種其子孫與刺史亢 史受天子命守此土治此民而鱷魚駻然不安溪潭據 神之祀之壤者哉鱷魚其不可與刺史雜處此土也刺 他眼見為民吏羞以偷活於此耶且放天子命以來為 以食鱷魚朝發而夕至也令與鱷魚約盡三日其率醜 吏固其勢不得不與鱷魚辯鱷魚有知其聽刺史言潮 拒争為長雄刺史雖為弱亦安肯為鱷魚低首下心似 |州大海在其南鯨鵬之大蝦蝌之細無不容歸以生

金げばんべこう

The Total Title 從其言也不然則是鱷魚冥頑不靈刺史雖有言不聞 類南徙於海以避天子之命吏三日不能至五日五日 强弓毒矢以與鱷魚從事必盡殺乃止其無悔 **頑不靈而為民物害者皆可殺刺史則選材技吏民操** 不知也夫做天子之命吏不聽其言不徒以避之與冥 不能至七日七日不能是終不肯徙也是不有刺史聽 潮州潮人思仰之甚故凡山水皆以公姓為號此以 公至木年道氣盆壯厲文盆雄擅讀此可見〇公守 古文雅正

金月四月至言 而行不求利已人以為批臣行不疑元和之初始拜御 無所容臣某誠惶誠恐頓首頓首臣少涉經史粗知古 臣某言伏奉今日制書以臣為朝議大夫守中 今天與朴忠性惟愚直知事君以道無憚殺身某當官 同中書門下平章事承命驚惶魂爽飛越俯仰天地若 見振古人物小用之則小效誠心實政自足感人山 水易名流風百世偉哉 為裴相公讓官表 愈

たこうをという 見陛下具文武之德有神聖之姿路中與之宏圖當太 積陛下知其孤立賞其微誠獨斷不謀與待踰量臣誠 受恩盆大顏已益輕苟耳目所聞知心力所追及少關 史旋以論事過切為宰臣所非移官府廷因佐戎幕陛 地實聲臣盡節之日才智效能之時聖君難逢重德宜 平之昌歷勤身以儉與物無私威怒如雷霆容覆如天 政理縣以陳聞於裡補無消埃之微而讒謗有丘山之 下恕臣之罪憐臣之心核居侍從之中遂掌絲綸之重 古大雅正 丘

築周文用召望於屠釣齊桓起霄戚於飯牛雪耻蒙光 意陛下擢臣於傷殘之餘委臣以變和之任忘其陋汙 性命獲全吞累祖先站塵班列未知所措祇自內慙豈 愿聖君所厚先逆所讎闕於防虞幾至斃踣思私曲被 未免妄作陛下不加罪責更極寵光既領臺網入毗邦 使佐聖明此雖成涉樂伊丹於庖廚高宗登傳說於版 去辱居贵以今準古擬議非倫陛下有四君之明行四

金分でたくする

報苦心焦思以日繼夜苟利於國知無不為徒欲竭愚

かれりまれたは 伏願博選周行旁及嚴穴天生聖主必有賢臣得而授 之佐然後能上宣聖德以代天工如臣等類實不克堪 之乃可致理乞妲所授以叶孝情無任懇款之至 郊藪草木魚鼈未盡被雅熙當大有為之時得非常人 非據方今干戈未盡战夷狄未盡賓麟鳳龜龍未盡游 君之事微臣無四子之美獲四子之榮豈可叨居以彰 又加選言之功以韻調勝六朝因而為四六綺靡之 文至東漢漸趨簡鍊渾灝之氣不如西京至三國則 古文雅正

警有也昔者黄帝在位百年年百一十歲少昊在位 位七十年年百五歲帝夷在位九十八年年百一十 十年年百歲顓頊在位七十九年年九十八歲帝醫在 伏以佛者夷狄之一法耳自後漢時流入中國上古未 文然鎔經鑄史魚三國六朝之勝而渾瀕流轉直與 西京者也歐蘇王曾謝表俱效此體綺靡之風哀矣 文唐初未離此習幹柳始 論佛骨表 振之此為雖以排偶行 韓 愈

次已四重公号 **藏帝舜及禹年皆百歲此時天下太平百姓安樂壽考** 極推其年數益亦俱不减百歲周文王年九十七歲武 然而中國未有佛也其後殷湯亦年百歲湯孫太戊在 下事佛漸謹年代尤促惟梁武帝在位四十八年前後 王年九十三歲移王在位百年此時佛法亦未入中國 位七十五年武丁在位五十九年書史不言其年壽所 因事佛而致然也漢明帝時始有佛法明帝在位纔 八年耳其後亂亡相繼運祚不長宋齊梁陳元魏已 占文雅正

寺觀臣常以為高祖之志必行於陛下之手今**縱未能** 惟齊聖文武皇帝陛下神聖英武數千百年已來未有 禪則議除之當時屋臣材識不遠不能深知先王之道 偷比即位之初即不許度人為僧尼道士又不許創立 果其後竟為侯景所逼餓死臺城國亦尋滅事佛求福 古今之宜推闡聖明以救斯獎其事遂止臣常恨馬伏 乃更得禍由此觀之佛不足事亦可知矣萬祖始受隋 三度拾身施佛宗廟之祭不用姓牢畫日一食止於菜

豊人樂狗人之心為京都士庶設說異之觀戲玩之具 愚光知陛下不惑於佛作此崇奉以祈福祥也直以年 というほという 晕解衣散錢自朝至暮轉相做效惟恐後時老少奔波 難晓茍見陛下如此將謂真心事佛皆云天子大聖猶 即行豈可怨之轉令盛也今聞陛下令奉僧迎佛骨於 耳安有聖明若此而肯信此等事哉然百姓愚冥易惑 鳳翔御樓以觀舁入大内入今諸寺遞迎供養臣雖至 心敬信百姓何人豈合更情身命焚頂焼指百十為 古人雅正

禁孔子日敬鬼神而遠之古之諸侯行用於其國尚令 為供養者傷風敗俗傳笑四方非細事也夫佛本夷狄 棄其業次若不即加禁遏更歷諸寺必有斷臂觸身以 金がらんろう 聚也况其身死已久枯朽之骨丛穢之餘豈宜令入官 宣政一見禮賓一設賜衣一襲衛而出之於境不令惑 **身至今尚在奉其國命來朝京師陛下容而接之不過** 身不服先王之法服不知君臣之義父子之情假如其 之人與中國言語不通衣服殊製口不言先王之法言

こううらんた 怨悔無任感激懇悃之至 不舉其失臣實恥之乞以此骨付之有司投諸水火永 巫祝先以桃药被除不祥然後進,中今無故取朽穢之 如有靈能作禍崇凡有殃咎宜加臣身上天鑒臨臣不 絕根本斷天下之疑絕後代之惡使天下之人知大聖 物親臨觀之巫祝不先桃药不用羣臣不言其非御史 人之所作為出於尋常萬萬也豈不盛哉豈不快哉佛 無原道一篇不見韓公學問無佛骨一表不見韓 古文雅正

多方四四八十二 氣節或謂公生平耐不得困苦貶竄似非樂天知命 窮文進學解等篇大有牢騷不平之意然及其從平 京師未免有汲汲求進之心然一為御史絕不顧惜 者余謂公見義必為全無戀位素餐之態公初年在 准西作侍即優游養望便可作相而公則以諫佛骨 朝則入身使盧龍面折庭凌更無推托畏懦之狀公 則以諫官市貶陽山矣既貶之後量移散秩如作送 潮州矣潮州上表有窮處早屈之意然及其再登

祭七廟典籍通規祖功宗德不在其數國朝九廟之制 子曰有天下者祭七代有一國者祭五代則知天子 廟而七尚書成有一徳亦曰七世之廟可以觀德首卿 法周之文太祖景皇帝始為唐公肇基天命義同周之 右禮儀使奏謹按周禮天子七廟三昭三穆與太祖之 フノスノララ ノルラ 享孔廟不替也不然張禹孔光獨無文學哉 之氣節屢挫不折如此所以為有唐益代人物而配 請遷玄宗廟議 古文雅正 愈

多定四月全書 是親盡之祖雖有功德新主入廟禮合桃藏太廟中第 文伏以今年宗廟遞遷玄宗明皇帝在三昭三穆之外 王太宗文皇帝神武應期造有區夏義同周之武王其 后稷高祖神克皇帝創業經始化隋為唐義同周之文 下三昭三移謂之親廟與太祖而七四時常餐自如禮 夾室每至稀給之歲合食如常謹議 廟桃之禮鄭王典義自晉武遵行外祖之說六朝因 之非周之舊矣此文所議最與經合惟祖景而不祖

年其後文章稍稍可述至貞元元和問愈遂以六經之 已定治荒別蠢討究儒祈以與典憲薰聽泓浸殆百餘 唐與尿五代剖分王政不綱文獎質窮蠅蠅混并天下 人ろりをは 獻稀亦為合食之祭未為盡協耳文之醇懿簡潔誠 議後人始收之外集何也 所謂六經之學絕而復新者0案李漢為昌黎門 之最親厚者集序云收拾遗文無所失隆獨不載此 韓愈傳發 占人推正 新唐書

金分八八八八八 為道君子矣自晉汽隋老佛顯行聖道不斷如带諸儒 聖人者其道蓋自比孟軻以首況揚雄為未醇寧不信 蒙讪笑路而復香始若未之信卒大顯於時昔孟軻拒 倚天下正議助為怪神愈獨喟然引聖爭四海之惑雖 然至進諫陳謀排難邱孤獨拂翰末皇至於仁義可謂 文為諸儒倡障限末流反列以樸刻偽以真然愈之才 自視司馬遷揚雄至班固以下不論也當其所得粹然 出於正刊落陳言横騖別驅汪洋大肆要之無抵牾

らくろうしまという 言大行學者仰之如泰山北斗云 正功與齊而力倍之所以過况雄為不少矣自愈沒其 楊墨去孔子才二百年愈排二家乃去千餘歲撥哀及 舊唐書赞韓公殊失推崇與輕儇文士初無大異此 其人然發其文獨至李漢序公文雖提出道字作主 稱量敢輕下筆耶0皇南持正作韓公墓誌雖推尊 氣凝神出之韓公文千載獨步作其赞者幾經說研 始極力尊崇山斗之名萬世不易文亦低徊往復鍊 古文雅正 平八

金月四月八十十 韓公衛道深心 造句琢語規步二子而見識議論抑入過之能道出 然亦是赞其文能合于道耳韓公本因文見道者故 古文雅正卷八 二子所稱揚不過如此亦二子之本領則然也此篇